

太上洞玄靈寶天尊說大通經

真空章

先天而生 生而無形 後天而存 存而無體  
然而無體 未嘗存也 故曰不可思議

玄理章

靜為之性 心在其中矣 動為之心 性在其中矣  
心生性滅 心滅性現 如空無相 湛然圓滿

玄妙章

大道無象 故內攝於有  
真性無為 故外不生其心

如如自然 廣無邊際

對境忘境 不沉六賊之魔

居塵出塵 不落萬緣之化

致靜不動 致和不遷

慧照十方 虛變無為

偈曰

太上洞玄靈寶天尊說大通經

清微藏書閣

有法悟無法 無修解有修  
包含萬象體 不罣一絲頭

太上洞玄靈寶天尊說大通經竟

天運辛卯年酉月正一天師清微弟子洪鼎堅羅大英恭錄彙編

鞠昕延複校